



We will be conducting system maintenance from Thursday 9 February 2023, 11pm to Friday 10 February 2023, 12am. Patrons may experience intermittent connectivity to NLB websites during this period. Thank you for your understanding.

## Ada rahmat di sebalik pembatalan Terbuka Swiss

BERITA HARIAN, 27 August 2006, Page 14

Article also available on Microfilm Reel NL26965

Printer-Friendly Page

### Ada rahmat di sebalik pembatalan Terbuka Swiss

**SILAT** Oleh "junior," tambah Sheik. - Oleh YUSOFF A. RAHMAN.

**KEJOHANAN Silat Terbuka Switzerland** yang dijadualkan pada bulan depan telah dibatalkan.

Ini barangkali berita yang tidak mahu didengar para pesilat negara.

Tetapi bagi Pengarah Teknikal Persekutuan Silat Singapura (Persisi), Sheik Alauddin Yacoob, pembatalan itu ada baiknya kepada pesilat nasional.

"Ramai pesilat negara masih belum pulih sepenuhnya daripada kecederaan masing-masing.

"Pembatalan kejohanan itu akan memberikan peluang kepada pesilat kami memulihkan sepenuhnya kecederaan masing-masing akibat bertanding dalam kejohanan-kejohanan lalu.

"Selain itu, mereka boleh lebih fokus untuk mengikuti latihan skuad negara," jelas Sheik.

Mengenai sebab pembatalan itu, Pengarah Teknikal itu berkata pihak penganjur tidak mendapat sambutan yang menggalakkan dari negara-negara yang diundang.

Kejohanan Terbuka Switzerland adalah antara beberapa kejohanan di Eropah yang disertai oleh para pesilat Singapura setiap tahun.

Selain Terbuka Switzerland, dua kejohanan yang sentiasa menarik minat Singapura ialah Terbuka Perancis dan Kejohanan United Kingdom.

Walaupun kejohanan di Switzerland dibatalkan tetapi latihan skuad negara tetap diteruskan.

"Latihan untuk setiap skuad sama ada dewasa, praremaja, remaja dan yang ingin menyertai Sekolah Sukan tetap diadakan setiap hari sementara latihan

**Singa Silat dan Singa Cub** pada setiap Sabtu.

"Seperti yang diketahui, Singapura akan menyertai Kejohanan Sijori di Batam pada Disember ini. Ia melibatkan para pesilat dari 16 tahun hingga bawah 23 tahun.

"Dan pada Januari tahun depan, kami akan membawa para pesilat secara berkumpulan untuk mengikuti latihan dan bertanding di Vietnam," jelas Sheik.

Singapura akan menjadi tuan rumah kepada tiga kejohanan yang dijalankan serentak pada Mac tahun depan.

"Selain menganjurkan Kejohanan Undangan Singapura Kedua, kami juga menjadi tuan rumah kejohanan prajunior dan junior," tambah Sheik. -

**"Ramai pesilat negara masih belum pulih sepenuhnya daripada kecederaan masing-masing.**

**"Pembatalan kejohanan itu akan memberikan peluang kepada pesilat kami memulihkan sepenuhnya kecederaan masing-masing akibat bertanding dalam kejohanan-kejohanan lalu.**

**"Selain itu, mereka boleh lebih fokus untuk mengikuti latihan skuad negara."**

- Sheik Alauddin Yacoob, Pengarah Teknikal Persisi.